

Z 225

1
1 (1)

欽定古今圖書集成醫部全錄

博物彙編藝術典第二百二十卷目錄

醫部彙考二百

前陰門一

黃帝素問陰陽應象大論 陰陽別論 診要經終論 熱論 風論 五藏生成篇 脈要精微論 刺逆從論 至真要大論 五常政大論 大奇論 脈解篇 痿論 厥論 玉機真藏論 骨空論 四時

靈樞經邪氣藏腑病形篇 經脈篇 經筋篇 五臟篇 五音五味篇 刺節真邪篇 本神篇

張機金匱要略陰虛濕 陰吹 食忌 痢陰蝕

華佗中藏經卵縮 驗病生死 痢脈

孫思邈千金方陰瘕 妬精瘕

朱肱活人書囊縮

嚴用和濟生方七疝 陰瘕

寶漢卿瘡瘍全書腎癰 陰囊毒 陰蝕瘡 左右便毒 小腸流注

劉完素六書瘕疝 小腸氣 陰疝 蟲疝 心疝

張從政儒門事親莖中痛 疝本肝經宜通勿塞論 七疝病形 便癰 下疳

李杲十書隱曲不利 論疝 論陰瘕

朱震亨心法疝痛 木腎 治法 囊癰 陰瘕

格致餘論疝氣論

羅天益衛生寶鑑疝 胞癰

虞搏醫學正傳疝氣論

王綸明醫雜著陰痿 陰虛疝

方賢奇效良方囊縮 疝論

樓英醫學綱目

醫部彙考二百一

李梴醫學入門

張三錫醫學準繩六要

李中梓醫宗必讀

龔信古今醫鑑

徐春甫古今醫統

王肯堂證治準繩

吳崑醫方考

陳實功外科正宗
腎囊風 陰蝕 下疳 看治法
法 治法 懸癰 看治法
魚口便毒 看治法
囊癰 看治法

喻昌醫門法律

博物彙編藝術典第二百二十一卷目錄

醫部彙考二百一

前陰門三

張介賓景岳全書

陳士鐸石室祕錄 強陽不倒 痿陽不振 狐疝

方一 固真湯 升陽除濕湯 溫腎湯 補肝湯 清震湯 大蒜丸 陰汗濕瘡
蟠葱散 又方 龍膽瀉肝湯 高肝清熱湯 烏金散 加味小柴胡湯 摻藥

清溫瀉肝湯 又方 防風羌活湯 洗方 摻藥 又方 又方 厚紙膏 扶苓補心湯 又方
補心養胃湯 內補托裏流氣飲 水黃膏 一抹散 洗方 又方 又方 麻黃湯 黃芩湯 又方

補腎丸 滋陰八物湯 還元保真湯 滋陰九寶 飲左歸丸 右歸丸 七福飲 大營煎
煎 補陰益氣煎 保陰煎 抽薪飲 洗薪飲 暖肝煎 壽脾煎 大分清飲 滋陰八味丸 六味回陽飲 贊育丹
消 蕩香散 芍藥莢煎 百草煎 銀珠煙 完瘡散 銀粉散 珍珠散 山甲內

博物彙編藝術典第二百二十五卷目錄

醫部彙考二百五

前陰門六

單方

鍼灸

導引

博物彙編藝術典第二百二十六卷目錄

醫部彙考二百六

前陰門七

醫案

博物彙編藝術典第二百二十七卷目錄

醫部彙考二百七

後陰門一

黃帝素問 陰陽應象大論 五藏別論 生氣通天論 至真要大論

靈樞經 邪氣臟腑病形篇 癰疽篇

扁鵲難經 肛門考

孫思邈千金方 通閉辨 肛墮論 五痔論

寶漢卿瘡瘍全書 痔分二十五 脫肛 穿襠發 生馬癰 賊毒 腎癰

劉完素六書 痔論

張從政儒門事親 脫肛 廣腸痛 痔漏腫痛

李杲十書 痔瘻論

朱震亨心法 脫肛 痔瘡 痔漏

格致餘論 腎癰

羅天益衛生寶鑑 痔漏

戴思恭證治要訣 脫肛 痔漏腸風下血辨 痔漏宜兼內外治

李梴醫學入門 脫肛諸因 腎癰 腎蛆痔 五痔

薛己醫按 脫肛 痔漏 腎癰

虞搏醫學正傳 痔漏

方賢奇效良方 腸痔痔漏論 脫肛論

龔信古今醫鑑 二十四證痔歌

樓英醫學綱目 痔漏

徐春甫古今醫統 痔漏 復齋治痔法

王肯堂證治準繩 騙馬隆 穿襠發 涌泉疽 腎癰

吳崑醫方考 脫肛方論 痔漏 論痔漏諸藥

陳實功外科正宗 痔瘡論 看法 治法 腎癰論 看法 治法

張介賓景岳全書 論脫肛 論治

博物彙編藝術典第二百二十八卷目錄

醫部彙考二百八

後陰門二

方一 蒼木澤瀉丸 淋洗藥 香殼丸 桂麝子丸 黃連散 乳香沒藥散 木香厚朴湯
肌散 點痔藥 冰香散 內托羌活湯 代刀散 宣毒湯 內托追毒飲 法製枯藥 祕方
香散 懷德散 杏仁湯 桃皮湯 生肌散 辰砂錠子 盤腸通腸痔散 盆氣清臟湯
猪膽苦酒湯 雄黃兌散 針粉散 周先生枯痔法

欽定古今圖書集成醫部全錄

醫部彙考二百

前陰門一

黃帝素問

陰陽應象大論

年六十陰痿氣大衰九竅不利下虛上實涕泣俱出矣

註人年六十已逾七八之期天癸竭腎氣大衰而陰事痿矣九竅不利之氣精水竭而精氣衰則九竅爲之不利也精竭於下水泛於上而涕泣俱出矣

陰陽別論

二陽之病發心脾有不得隱曲女子不月其傳爲風消其傳爲息責者死不治

註二陽者足陽明胃經也夫人之精血由胃腑水穀之所資生脾主爲胃行其精液者也二陽病則中焦之汁竭無以奉心神而化赤則血虛矣水穀之精脾不能轉輸於五臟則腎無所藏而精虛矣男子無精有不得爲隱曲之事在女子無血則月事不得以時下矣此病本於二陽而發於心脾也精血兩虛則熱盛而生風風熱交熾則津液愈消竭矣火熱鑠金而傳爲喘急息肩者死不治蓋胃乃津液之生原肺乃津液之化原也

三陽爲病發寒熱下爲癰腫及爲痿厥喘滿其傳爲索澤其傳爲頰疔

註三陽者太陽之爲病也太陽之氣主表邪之中人始於皮毛邪正相搏發爲寒熱之病矣太陽主開病則開闔不得邪氣從之逆於肉理乃生癰腫太陽爲諸陽主氣而主筋筋傷則爲痿氣傷則爲厥也此皆太陽筋脈之爲病也太陽之氣主表而經脈發原於下是以始病寒熱之在上在表而漸爲癰腫痿厥頰疔之在內在下也太陽之經氣生於膀胱膀胱者主藏津液氣化則出太陽之氣病熱於表傳入於裏則水津枯索而澤竭矣頰疔小腹控卵腫痛所謂膀胱疔也蓋始病標而及本始病氣而及經與筋也

診要經終論

厥陰終者中熱盛乾善溺心煩甚則舌卷卵上縮而終矣此厥陰經之所敗也

註厥陰木火之氣欲絕故中熱盛乾也肝所生病者遺溺肝氣下洩也心煩者包絡之氣上炎也肝者筋之合筋者聚於陰器而脈絡於舌本甚則舌卷囊縮而終矣此厥陰之所敗經氣之所終也

熱論

傷寒六日厥陰受之厥陰脈循陰器而絡於肝故煩滿而囊縮十二日厥陰病衰囊縱少腹微下大氣皆去病日已矣

註厥陰木火主氣故煩滿脈循陰器故囊縮傷寒之邪為毒最厲故曰大氣十二日邪氣漸衰則正氣漸復矣

其病兩感於寒三日則少陽與厥陰俱病則耳聾囊縮而厥水漿不入不知人六日死

註少陽與厥陰為表裏故見少陽之耳聾厥陰之囊縮而厥水漿不入穀氣絕也不知人者神氣傷也此臟腑皆病榮衛不行故經氣終而死也

風論

腎風之狀多汗惡風面癭然浮腫脊痛不能正立其色焔隱曲不利胗在肌上其色黑

註風邪干腎則水氣上升故面癭然浮腫風行則水渙也腎主骨故脊痛不能正立腎主藏精少陰與陽明會於宗筋風傷腎氣故隱曲不利水氣上升故黑在肌上水乘土也

五臟生成篇

黃脈之至也大而虛有積氣在腹中有厥氣名曰厥疝女子同法得之疾使四肢汗出當風

註四肢汗出當風則風濕內乘於脾而為積氣蓋風木之邪內干脾土濕與陰土同氣相感故留聚而為積也脾氣不能灌溉於四旁則逆於中而為厥氣矣名曰厥疝者氣逆而痛也

黑脈之至也上堅而大有積氣在小腹與陰名曰腎痹得之沐浴清水而臥

註尺以候腎黑脈之至上堅而大者腎臟有積而腎脈堅大也上堅者堅大在上而不沉也與陰者小

腹而兼於前陰也腎臟寒水主氣亦同氣相感也

脈要精微論

帝曰診得心脈而急此爲何病病形何如岐伯曰病名心疝少腹當有形也帝曰何以言之岐伯曰心爲

牡臟小腸爲之使故曰少腹當有形也

註 諸急爲寒心爲陽臟而畏寒故脈急心爲君主之官而不受邪故脈見於臟而形見於腑也

平人氣象論

寸口脈沉而弱曰寒熱及疝瘕少腹痛

註 才爲陽沉爲陰寸口脈沉而弱此正氣虛而陽邪直入於裏陰陰陽相乘故主寒熱陽邪入裏故又主疝瘕而少腹痛也

脈急曰疝瘕少腹痛

註 諸急爲寒故主疝瘕在內

大奇論

腎脈大急沉肝脈大急沉皆爲疝心脈搏滑急爲心疝肺脈沉搏爲肺疝三陽急爲瘕三陰急爲疝
註 大則爲虛急則爲寒沉爲在下在裏故皆爲疝心疝之有形在少腹其氣上搏於心故心脈搏而滑急也肺脈浮而反沉搏是肺氣逆聚於內而爲肺疝矣瘕假也假物而成形疝字從山艮止高起之象故病三陽之氣者爲瘕三陰之氣者爲疝

脈解篇

厥陰所謂癰疝婦人少腹腫者厥陰者辰也三月陽中之陰邪在中故爲癰疝少腹腫也

註 厥陰木火主氣故主於三月四月之交三月陽盛之時而厥陰主氣故爲陽中之陰邪爲陰氣也厥陰之氣在內而未得盡出故爲癰疝腹腫也

所謂癰疝膚脹者曰陰亦盛而脈脹不通故曰癰疝疝也

註 陰亦盛者厥陰之氣亦盛於外而脈脹不通故癰疝膚脹也癰疝疝者陰器腫而不得小便也

思想無窮所願不得意淫於外入房太甚宗筋弛縱發爲筋痿及爲白淫故下經曰筋痿者生於肝使內也

註 思想無窮所願不得則肝氣傷矣前陰者宗筋之所聚足厥陰之脈循陰股入毛中過陰器意淫於外則慾火內動入房太甚則宗筋縱弛陰痿白淫乃慾火盛而淫精自出也筋痿者又生於所願不遂而傷肝兼之使內入房之太甚也

陽明者五臟六腑之海主潤宗筋宗筋主束骨而利機關也

註 陽明爲水穀血氣之海五臟六腑皆受氣於陽明故爲臟腑之海宗筋者前陰也前陰者宗筋之所聚太陰陽明之所合也諸筋皆屬於節主束骨而利機關宗筋爲諸筋之會陽明所生之血氣爲之潤養故諸痿獨取於陽明

衝脈者經脈之海也主滲灌谿谷與陽明合於宗筋

註 衝脈起於胞中上循背裏爲經絡之海其浮而外者滲灌於谿谷之間與陽明合於宗筋是以宦者去其宗筋則傷衝任血瀉不復而鬚不生

陰陽總宗筋之會會於氣街而陽明爲之長

註 少陰太陰陽明衝任督脈總會於宗筋循腹上行而復會於氣街氣街者腹氣之街在衝脈於臍左右動脈間乃陽明之所主故陽明爲之主也

故陽明虛則宗筋縱

註 陽明爲水穀之海主潤宗筋陽明虛則宗筋縱宗筋縱弛不能束骨而利機關則成痿躄矣故諸痿獨取陽明

厥論

前陰者宗筋之所聚太陰陽明之所合也

註 宗筋根起於胞中內連於腎臟陰陽二氣生於胃腑輸於太陰藏於腎臟太陰陽明合聚於宗筋者

中焦之太陰陽明與下焦之少陰太陽中下相合而會合於前陰之間

厥陰之厥則少腹腫痛腹脹溼溼不利好臥屈膝陰縮腫胎內熱

^註足厥陰之脈內抵少腹挾胃屬肝絡膽故厥則少腹腫痛而腹脹其下循陰股入毛中環陰器抵少腹是以溼溼不利陰縮而腫肝主筋膝者筋之會筋脈厥逆不能濡養筋骨故好臥而屈膝其脈起於大指叢毛之際上循足胫厥陰木火主氣榮俞厥逆故胫內腫熱也

玉機真臟論

風者百病之長也弗治脾傳之腎病名曰疝瘕少腹冤熱而痛出白一名曰蠱

^註邪聚下焦故少腹冤熱而痛溼出淫濁也蠱言陰邪居下而壞事之極

骨空論

任脈爲病男子內結七疝女子帶下瘕聚

^註七疝者其病各異其名不同瘕者假血液而時下汁沫聚者氣逆滯而爲聚積也衝脈之血氣散於脈外之氣分故病則逆氣裏急

督脈生病從少腹上衝心而痛不得前後爲衝疝

^註其脈從少腹直上貫心故衝心而痛繞於前後二陰之篡間故不得前後而爲衝痛之疝四時刺逆從論

厥陰滑則病狐疝風少陰滑則病肺風疝太陰滑則病脾風疝陽明滑則病心風疝太陽滑則病腎風疝少陽滑則病肝風疝

^註滑者陽氣盛微有熱氣病之謂疝氣盛而生熱則爲疝痛所謂風者熱所生也

至真要大論

太陽在泉寒淫所勝民病少腹控辜引腰脊上衝心痛血見噤痛領腫

^註丑未之歲太陽在泉寒淫於下則膀胱與腎受之膀胱居於少腹故少腹痛腎主陰器故控引辜丸太陽之脈挾脊抵腰中絡心故引腰脊腎脈絡心故上衝心痛心主血而寒氣逼之故血見噤痛領腫

乃小腸經病小腸者心之腑也亦水邪上侮火臟火腑而然

陽明司天丈夫癰疽婦人少腹腫

註 癰疽少腹腫皆肝經之病

太陽之復少腹控睪引腰脊上衝心

註 此亦厥陰之病也

陽明之勝清發於中左胠脅痛溏泄內爲噎塞外發癰疽胃中不便噎塞而欬

註 金氣寒肅故清發於中金勝則木氣受虧故爲脅痛癰疽

太陰在泉主勝則寒氣逆滿食飲不下甚則爲疝

註 主勝則寒氣逆滿者水淫而上乘於土也四之客氣乃厥陰風木食飲不下甚則爲疝者濕氣上逆而病及厥陰之經也

五常政大論

太陰司天濕氣下臨腎氣上從胃中不利陰痿氣大衰而不起不用

註 胃中不利水氣上逆也陰痿者腎氣衰於下也夫陽氣生於腎陰而運用於膚表腎氣大衰故陰器不起不用

靈樞經

邪氣臟腑病形篇

肝脈微大爲肝痹陰縮滑甚爲癢疝

註 大主肝氣盛陰縮癢疝肝氣逆於下也

心脈微滑爲心疝引臍小腹鳴

脾脈微大爲疝氣滑甚爲癢瘰癧甚爲腸癰微滑爲內癰多下膿血

註 脾爲陰濕之土濕熱則爲疝瘰癧虛而有寒則爲腸癰脾臟多血少氣故下膿血

腎脈滑甚爲瘰癧大甚爲陰痿

^註腎有熱則爲睪丸腫癰痿者陰器痿而不舉也

經脈篇

肝足厥陰之脈是動則爲腰痛不可以俛仰丈夫癰疽婦人少腹腫是主肝所生病者狐疝

^註腰痛不可以俛仰蓋厥陰從少陽中氣之化厥陰之化氣病也癰疽少腹腫皆厥陰之本氣病也

足厥陰氣絕則筋絕厥陰者肝脈也肝者筋之合也筋者聚於陰器而脈絡於舌本也故脈弗榮則筋急筋急則引舌與卵故唇青舌卷卵縮則筋先死庚篤辛死金勝木也

^註足厥陰之氣主筋故氣絕則筋絕厥陰者肝脈肝者筋之合謂厥陰之氣合於肝脈肝臟之氣合於筋也聚於陰器者脈氣之會於宗筋也筋聚於陰器而絡於舌本故脈不榮於筋則筋急而舌卷卵縮矣厥陰氣絕則筋先死庚篤辛死金勝木而肝臟之木氣絕也

經筋篇

手少陰經筋之病寒則反折筋急熱則筋縱挺不收陰痿不用陽急則反折陰急則俛不伸焮刺者刺寒急也熱則筋縱不收無用燔鍼名曰季冬痹也

^註手少陰其病在氣而爲經筋之病者寒則反折筋急熱則筋縱不收陽急則反折陰急則俛不能伸蓋少陰本陰而標陽故有寒熱陰陽之證少陰之從本從標也少陰主氣故爲季冬之痹

足厥陰之筋起於大指之上上循陰股結於陰器絡諸筋其病陰器不用傷於內則不起傷於寒則陰縮入傷於熱則縱挺不收治在行水清陰

^註陰器乃宗筋之會而主筋故連絡於三陰三陽之筋也其病爲陰器不用傷於內則陰痿不用傷於寒則陰器縮入傷於熱則陰挺不收厥陰從中見少陽之火化故有寒熱之分夫金氣之下水氣治之復行一步木氣治之厥陰之木氣本於水故治在行水以清厥陰之氣也

五味篇

陰者積筋之所終也故酸入而走筋矣

^註陰者前陰積筋者宗筋也宗筋者筋之主也酸入於宗筋故走筋蓋足厥陰肝經主宗筋而外合於

通體之筋

五音五味篇

黃帝曰士人有傷於陰陰氣絕而不起陰不用然其鬚不去其故何也宦者獨去何也願聞其故岐伯曰宦者去其宗筋傷其衝脈血瀉不復皮膚內結唇口不榮故鬚不生

註宦者去其宗筋傷其衝脈血瀉而不復上榮於唇口故鬚不生此因割去前陰而傷其先天之精氣也

有天宦者此天之所不足也其任衝不盛宗筋不成有氣無血唇口不榮故鬚不生

註天宦者謂之天闕不生前陰即有而小縮不挺不長不能生子此先天所生之不足也其衝任不盛宗筋不成有氣無血唇口不榮故鬚不生

刺節真邪篇

莖垂者身中之機陰精之候津液之道也

註莖垂者乃宗筋之會腎者胃之機關主受藏津液夫腎臟所藏之津液從宗脈而上濡於空竅故曰莖垂者身中之機陰精之候津液之道也

本神篇

肝悲哀動中則傷魂魂傷則狂忘不精不精則不正當人陰縮而筋攣兩脅骨不舉毛悴色夭死於秋

註悲哀肺之情也如肝因悲哀動中則傷肝臟所藏之魂魂傷則狂忘不精蓋肝將軍之官謀慮出焉肝志傷則不能處事精詳矣膽爲中正之官決斷出焉臟氣傷則腑志亦不正而無決斷矣肝主筋而脈絡陰器陰縮筋攣脅骨不舉情志傷而及於形也

本臟篇

耳後陷者腎下腎下則爲狐疝

註狐疝者偏有大小時上時下如狐之出入無時此腎臟之疝也

漢張機金匱要略

陰腫濕

心水者其身重而少氣不得臥煩而躁其人陰腫

腎水者其腹大臍腫腰痛不得溺陰下濕如牛鼻上汗其足逆冷面反瘦

陰吹

胃氣下泄陰吹而正喧此穀氣之實也膏髮煎導之

食忌

魚無腸膽者不可食食之三年陰不起女子絕生

疝

腹痛脈弦而緊弦則衛氣不行即惡寒緊則不欲食邪正相搏即爲寒疝寒疝邊臍痛若發則白津出手

足厥冷其脈沉緊者大烏頭煎主之

寒疝腹中痛及脅痛裏急者當歸生薑羊肉湯主之寒疝腹中痛逆冷手足不仁若身疼痛灸刺諸藥不

能治抵當烏頭桂枝湯主之

其脈數而緊乃弦狀如弓弦按之不移脈數弦者當下其寒脈緊大而遲者必心下堅脈大而緊者陽中

有陰可下之

跌陽脈當伏今反緊本自有寒疝瘕腹中痛醫反下之下之即胃滿短氣

陰狐疝氣者偏有小大時上下蜘蛛散主之

陰蝕

少陰脈滑而數者陰中即生瘡陰中蝕瘡爛者狼牙湯洗之

華佗中藏經

卵縮

脾中寒足熱則皆使人腹中痛不下食又病其舌強語澀轉卵縮牽陰股中引痛

驗病生死

凡病舌卷卵縮者死

掌腫無紋臍腫出囊莖俱腫者死

疝脈

左手寸口陽絕則無小腸也六日死病則臍脾小腹中有疝瘕也

唐孫思邈千金方

陰癰

癰有四種有腸癰卵脹氣癰水癰腸癰卵脹難瘥氣癰水癰針灸易治

妬精瘡

有人自少至長陰下常有乾癬者宜依癰方主之有五勞七傷而得陰下癢濕搔之黃汁出者宜用補丸散主之仍須傳藥治之亦有患妬精瘡者以妬精方治之夫妬精瘡者男子在陰頭節下婦人在玉門內並以疳瘡作白齊食之大痛疳即不痛也

跌陽脈滑而數法當下重少陰脈滑而數婦人陰中生瘡

宋朱肱活人書

囊縮

傷寒六七日煩滿囊縮其脈尺寸俱微緩此足厥陰肝經受病也

脈浮緩必囊不縮外證必發熱惡寒似瘧爲欲愈宜桂枝麻黃各半湯若尺寸脈俱沉短者必是囊縮毒氣入臟宜承氣湯下之

大抵傷寒病臟腑傳變陽經先受病故次第傳入陰經以陽主生故太陽水傳足陽明土土傳足少陽木爲微邪也陰主殺故木傳足太陰土土傳足少陰水水傳足厥陰木至六七日當傳厥陰肝木必移氣尅於脾土脾再受賊邪則五臟六腑皆困而危殆營衛不通耳聾囊縮不知人而死矣速用承氣湯下之可保五死一生古人云脾熱病則五臟危又云土敗木賊則死若第六七日傳厥陰脈得微緩微浮爲脾胃脈故知脾氣全不再受客邪無所答否極泰來榮衛將復水升火降則寒熱作而大汗解矣